



*Шогуло эл, порымлык да гим веер!*

5-ше (3341) №,  
2018 ий 3 февраль,  
шуматкече.

# ЯМДЕ ЛИЙ

1933 ий 1 февраль годсек лектеш.

0+

## 2018 ийым «Ямде лий» газетын идалыкше семын увертарена Газетланна – 85 ий



**Тылат,  
«Ямде лий»**

«Поро эр але поро касет  
Лийже, шерге йолташ «Ямде  
лий...» –  
Мый тылат, йөрталме газет,  
Серенам. А эртен 30 ий...  
Зарисовко, заметке, увер  
Да тўналтыш поэзий мут-влак –  
Газетеш мылам лектыныс вер!  
Йочан кумылжо кече гаяк!  
Пуйто лийын тентгече гына:  
Печать пёрт воктен – шошо  
вўдшор,  
«Ямде лий» вашлиеш слёт унам,  
А лўмна мемнан – тале юнкор.  
Тый тачат улат лишыл мылам,  
Йоча годсо йолташ «Ямде лий»,  
Пайремет дене! Иле улан!  
Шуко-шуко лўмгечым вашлий!  
**Надежда НИКИТИНА.**




Марий Эл Рес-  
публикым  
Вуйлатыше  
А.А.Евстифеевын  
саламлыме мут-  
шым  
Э.В.Чемышев  
конден.



Тўвыра, печать да калык-влакын  
пашашт шотышто министерстве лўм  
дене Г.С.Ширяева саламла.

У Торъял школ  
гыч Анна Еросланова  
ден туныктышыжо  
Л.В.Мочаева.



Кужэнер район Конганур  
школ гыч юнкорна-влак  
Кристина Быкова ден Алёна  
Рыбакова саламлат.

**1 февральыште Йоча тоштер-ончер рўде-  
рыште 85 ияш лўмгечылан пўлеклатше  
пайрем эртыш.**

**Лўмгечынам идалык мучко тендан дене  
пырля, пагалыме лудшына, юнкорна-влак,  
палемдаш шонена. Тугеже, лўмгече идалы-  
кым почмо дене чыладам саламлена!**

*(Пайрем гыч фоторепортажым вес номерыште ончыза.)*



## «Ямде лий» газетын поро танже-шамыч!

Ятыр ий ончысо семынак «Ямде лий» республикысе изданий-влак коклаште тачат ик эн ончылно. Элнан лўшкалтме пагытыште шочшо, тудын дене пырля нелылык да сенымаш-влак кокла гоч эртен, газет эреак пагалыме да ўшанле изданий лийын кодеш.

«Ямде лийын» лўмжō кумдан шарлымаште да калык коклаште пагалымашым сулымаште пўсō уш-акылан, виян журналист да сылнымут пашаен-влакын З.Е.Яковлеван, П.А.Клюкинын, П.В.Красновын, Г.В.Алексеевын, В.В.Крыловын да Л.В.Семенован надырышт палдырна. Марий сылнымутын классикше-влак М.Казаков, И.Стрельников, Й.Осмин, В.Чалай, Б.Данилов да молат газет дене кылым кученыт.

«Ямде лий» пагалымашым сулен, тудым йоча-влак йōратат, шукынжо газетын юнкоржо улыт. Финн-угор йылмыла дене савыкталтше газет-влак коклаште «Ямде лий» тачат ик эн пагалыме изданийлан шотлалтеш.

«Ямде лий» газет редакцийын пашаенже-влак, шуктен толмо суапле пашаланда таум ыштем.

**Марий Эл Правительстве Вуйлатышын икымше алмаштышыже М.З.ВАСЮТИН.**

Рвезе тукумым ончен кушты-маште, ўдыр-рвезе-влакым чын илыш корныш шогалтымаште да шуарымаште йоча газетын надырже моткоч кугу. Тудо пўртўс моторлыкым, сылнымыкым ужын да шижын аклаш йодеш, шыма да тыматле койыш-шоктышан лияш

туныкта, уш-акылым виянга, шочмо йылмым пагалаш да йōраташ кумыланда.

Икымше номер лекме пагыт гычак «Ямде лий» шке лудшыжым муын, ятыр юнкорлан илыш кугорныш лекташ чолга шўдыр семын лийын. Ятыр марий мутмастар, туныктышо да шанчыен йоча пагыт гычак газет дене пентгыде кылым кучен, сылнымут аланыш тўналтыш ошкылым ыштен.

Йоча-влак кызытат школ илыш, сай йолташ, Шочмо элым йōратыме кумыл нерген возат – Российын ончыкылык ўшанле гражданинже улмыштым ончыктат.

«Ямде лий» газет редакцийын шергакан пашаенже да лудшыжо-влак, илыш корныда волгыдо лийже, у деч у сенымаш дене пашада пойдаралтше. Сай тазалыкым, чон рвезылыкым тыланен кодам.

**Марий Эл Республикын тўвыра, печать да калык-влакын пашашт шотышто министрже К.А.ИВАНОВ.**



## Юнкор тукум – элын ший гвардий



Налам кидышкем  
«Ямде лийым»,  
Изи годсыла  
шўм кыра.  
Уэш налам  
юым да вийым,  
А чон  
шошо семым мура.

Мыняр ыле шкемын куанже!  
Кунам и мыят лийынам  
Юнкор, газет гоч  
уэмалтше, –  
Сай илыш школ лие мылам.  
Тунемым ышташ

«визытанлан»  
Чыла да эре, садланак  
Илем дыр тачат мый куатлын,  
Вет ямде улам эреак!  
Полшаш,  
кō начар але черле.  
Чонаш, мом кўлеш гын  
чонаш.  
Каяш, кынелал шокшо вер гыч.  
Лекташ корныш  
рынгын тошкал.  
Тидлан туныктен

«Ямде лийна» –  
Мемнам тыге, мыйым куштен.  
Ал галстук ден коштшо  
ме лийна!  
Газет лекташ ончык кўштен.  
Юнкор тукум --  
элын ший гвардий!

Мемнам  
«Ямде лийна» вўда.  
Осал дене ме она варне  
Тушман-влак,  
мемнан деч лўдса!  
**Лидия ИКСАНОВА.**

## Историйым шергалына

**1982 ий 13 март.**  
«Ямде лий» газетым пер-  
вый класс гычак лудам.  
Мылам сек чотшо йомак,  
тушто, ойлымаш келшат.  
Шукерте огыл «Молан пы-  
рыс коялан сыра?»  
Йомак лектын ыле. Тудым  
лудымат, мыйынат газе-  
тыш возыдем шуо.  
**Тая ЯНДЫГАНОВА.**  
Оршанке, Лужбеляк.



## Кечышотым эскере

**5 февраль – Эрудитын кечыже.** Эрудит шуко палыше, шуко лудшо ет.

**8 февраль – Самырык герой-антифашистым шарныме кече.** Антифашистский демонстраций годым француз школьникым Даниэль Ферим (1962) да ирак рвезым Фадыл Джамалыым (1963) пуштыныт. Нуным да моло самырык герой-влакым шарныме лўмеш ты кече тўнямбалне 1964 ий гыч палемдалтеш.

**8 февраль – Россий науко кече.** 1724 ийыште Петр I Российыште Науко академийым ыштыме нерген указеш кидпалыжым пыштен.



2017 ийын лауреатше-влак



«Ямде лийын» «Почётан юнкоржо» лум газетын лишыл йолташыже, краевед да журналист **Гельсий Зайниевич ЗАЙНИЕВЛАН** пуалтеш.

«Ямде лийлан»

Шуматкечым тунам пайрем семын Ме, йоча-влак, чылан ужынна. Ял мучашке, куан дене темын, Почталыон ваштареш куржынна, Мыланна вет конден «Ямде лийым», Йораталме, шумбел газетнам!.. А газет, пуэн акылым, вийым, Ача семынак куштыш мемнам. Ныл изи лышташ көргыштө лийын Марий рвезылан уло туня. Кызытат, шарналтем да, чурийым Куан түс вудылале, шортнян. Пагыт эртыш. Мый йоршын чалемым. Тудо веле тугак нарашта. У юнкор-влак, чон вий дене темын, Тудым сылным да чаплым ыштат. ...«Ямде лий!» -

мундыр жап гычын эплын Йук солна, шумыш мурла пурен. Йораташ, түзаташ Шочмо Элым Уж тугак.

А ме - ямде эре!  
**Геннадий ОЯР,**  
Марий Элын калык поэтше.

Шулдыр Васлий лумеш премий дене палемдаш келшыше мыскарачым тений ойырен ышна керт.

«Рвезе йук» конкурсын учредительже - «Ший памаш» сылнымут фонд. Вуйлатыше, писатель **Василий КРАСНОВЛАН** кугу таум ойлена!

Журналистикын түрлө жанрже дене возен шогымыжлан «Ямде лий» газетын икымше редакторжо Зинаида Емельяновна **ЯКОВЛЕВА** лумеш премийын лауреатше - **Юлианна ЕРМОЛАЕВА** (Марий Турек район Сардаял школ).



Юнкор да литературно-творческий пашам сайын виктарен колтымылан Валентин Борисович **ИСЕНЕКОВ** лумеш премийым **Морко районысо Коркатово лицейын юнкор кружокшо** сулен. Туныктышо - Вячеслав Емельянович **СМИРНОВ**.

Марий Эл деч тораште илыше марий-влак коклаште - «Ямде лий» газетын 1969-1986 ийлесе тун редакторжо **АЛЕКО ЮЗЫКАЙН** лумеш премий

**Татарстан кундем Агрыз район Пелемеш школын тунемшыже-влак** пуалтеш. Туныктышо - **М.С.МИХАЙЛОВА**.

Потъял школыштына «Ал сескем» юнкор кружок пашам ышта (вуйлатыше - Л.В.Кошаева). Тушко 4-ше да 5-ше классла гыч 14 йоча коштеш (снимкыште).

Ме чыланат «Ямде лий» газетым йоратен лудына да шкежат возена. Марла йоча газетым 23 еш налеш. 39 йоча да туныктышо-влак «Ямде лийлан» подпискым ыштеныт. Кумшо классыш коштшо 10 йочам газетлан возалташ шукерте огыл кумыланденна. Нуно март гыч сорап йоча газетым кидышкышт налыт.

Мотор да сылне, материаллан поян «Ямде лий» газетна! Ме уло чонна дене 85 ияш шочмо кечет дене саламлена. Тыйым кажне шуматкечын чон вургыж вучена. Умбакыжат мемнам куандаре, йочан илышыж дене тыгак пырля ошкыл!

**Волжский район.**



**Юнкор кружокын йочаже-влак.**



# Мыланна - 85 ий

## Эн шергакан йолташна

«Ямде лий» газет – эн шергакан да эн йоратыме йолташна. Писатель И.М.Ломберский 1936-1941 ийлаште Буймо школнам вуйлатымыш годым йоча-влакым сълнымут деке шўманден, возымо пашалан кумыланден.

Володя эргыже да моло рвезе-влак «Ямде лий» газетышке чўчкыдын сереныт. Кугу Ачамланде сар деч вара Буймо шымияш школышто Валентин Исенеков шинчымашым поген. Тидын нерген «Ямбердинын дневникше» повестьыштыже каласкала. «Ямде лий»

газетыште пашам ыштымыш годым Валентин Борисович икмыняр гана школышкына толын, онгай вашлиймашым эрта-рен. Тиддеч вара вашкыл эше пентгыдемын.

2014 ийым иктешлыме почеш Буймо школын тунемшыже-влак Алеко Юзыкайн лўмеш премийын лауреатше лийынна. Мыланна тиде пеш кугу куан, кугу сенымаш! Газет редакцийын эртарыме «Марий юнкор» слётышто кажне ийын мастарлыкнам шуарена.

Поро йолташна, «Ямде лий» газетна! 85 ияш лўмгечет дене шокшын саламлена! Кужу ўмыран лий, лудшо-возышо танет-влак шукемышт!

**Настя МАТВЕЕВА, Юлия ИСАЕВА. Татарстан, Агрыз, Буймо.**

## Пайремет дене!

Марий газет йолташем  
Пайремет дене саламлем!

Юнкор-влакын сай письмаштлан  
Иле тые йывыртен.

Кечыйол гай волгалт шого,

Йочан кумылжым нўлтен,  
Шочмо кече пайремет кечын  
Кужу корным тыланем.

**Юнкорет-влак Катя ден Никита СЕМЕНОВЫТ.**



## Историйым шергалына

1978 ий  
1 апрель.

*Шуматкече еда почталыоным вучем.*

*«Ямде лийым» лудаиш пешак йўратем.*

*Ит ўрканы, йолтаиш, лудаиш тудым тьят.*


*Шинчымаш пойдараиш полша тудо тылат.*

*Серўжа ПАВЛОВ.*

*Удмурт АССР, Алнаиш район,  
Марий Гондырево.*




## Куанже мыняре!



Марий Турек район Арбор кандашиаш школышто 3-шо классыште тунеммем годым «Ямде лий» газетыш икымше гана йолташ ўдырем нерген возенам. Вара авам, марий йылмым тунуктышо Лидия Ивановна Павлова, умбакыжат возоманын кумыланден. «Ямде лий» газетыште заметкем-влак савыкталтмеке, класс вуйлатышем Римма Андреевна Никитина йолташ-влак ончылно лудеш ыле. Республикысе сўрет конкурсышто икымше верым сене-налмемлан да чолга юнкор лиймемлан «Ямде лий» газет редакций «Артек» всесоюзный пионер лагерьыш каяш путўвкым пуэн. Ой, мыняр куанже лийын! Кызыт Советский районысо Ёрша школышто марий йылмым да йоча-влакым сўретлаш тунук-тем.

*Йоча-влак, йўраты- за марий йылмым, «Ямде лий» газетыш лудса, кертмыда семын возыза! «Ямде лий» газет пашаен-влаклан пеш кугу тау! Моткоч кугу да поро пашам шуктеда. Газет пеш онгай, мотор, сылне сўретан. Туныктышо-влаклан кўлешан материал савыкталтеш. Тиде мыланна кугу полыш.*

**Р.Г.АНТРОПОВА, тунуктышо.**



**Шочмо кече дене, «Ямде лий»**

Медведево районысо Руэм школын 2-шо классыштеже тунемше-влак тунуктышышт Л.Г.Иванова да авашт-влак дене пырля «Ямде лий» газет редакцийыш унала толыныт. Шочмо кечыж дене саламлен, «Каравай» мурым муреныт да шуко-шуко сўретым пўлекленыт. Пеш кугу тау, йоча-влак!

**Тендам юнкорна-влак радамыште вучена.**



**Максим АЛЕКСАНДРОВЫН сўретше.**

# Мыланна – 85 ий



ТЕЛЕГРАММЕ

Коми  
республи-  
канский  
журнал «Би кинь»



(«Искорка») сердечно поздравляет коллектив, многочисленных читателей газеты «Ямде лий» с юбилеем. Наша с вами главная задача - эстетическое и нравственное воспитание детей, пропаганда родного языка и литературы, истории и культуры коми и марийского народа. Вы с этими задачами отлично справляетесь. Надеемся, что празднование юбилея вашей газеты еще больше укрепит тесные творческие связи с другими детскими журналами и газетами финно-угорских регионов России. Кузь нэм да бур шуд! Долголетия и счастья!

Главный редактор народный писатель  
Республики Коми

Алексей  
ПОПОВ.



От  
всей души  
поздравляем

вас с 85-летием вашего издания! За это время газете удалось пройти немало испытаний и сохранить уверенный шаг. Несмотря на невзгоды, которые преподносила порой судьба, детская радость на ее страницах отражалась во все времена, раскрывая в ярких красках мир счастливого детства. Дети – наше будущее. Пусть это будущее светит теплом, радостью в печатных материалах. Здоровья и творческих успехов!

Друзья из родникового края – Удмурт  
шаерись – сотрудники детско-юношеской  
газеты «Зечбур!»

## Ямде лий

Пиалешем,  
савырнен ончалын,  
Угыч тоштыш пörтылаш  
ок лий.

Но йонга ийла гочын  
йончалын,

Ўжыкмут куатле: «Ямде лий»!  
Ямде лий (йолташ пелен йот отыл),  
Поро шўм-тулет пайлен илаш.  
Ик сескем гыч ылыжеш тулото,  
Ок күл шем тулвуйла шкет эгаш.  
Ямде лий кучаш тушманын пикшым,  
Тудо умдым шўм тура викта.  
Каласаш гын калык ойым викшым,  
Сур тушманым таумут пикта.  
Ямде лий кугезе марий мур ден  
Илыш чыным нангаяш эрлаш...  
Сай пашатым шарнышт поро мут ден,  
Эрык тул гоч ямде лий эрташ!  
Зоя ДУДИНА.



1969 ий  
12 апрель

Историйым шергалына

Мемнан отряд пионер герой Валентин Котикын лўмжым нумалеш. Ме кугарнян да шуматкечын тўрлө книгам да газетым лудына, Котик нерген материалым погена. Кумшо чырыкым сайын тунем пытарышна. Классыштына ик двоечникат ынже лий маньын тыршена. Толя ЕГОРОВ.  
Морко район, Шор-Уньжа школ.



## 2018 ийыште «Ямде лий» газет редакций ден «Ший памаш» сылнымут фонд йоча-влаклан «РВЕЗЕ ЙУК» конкурсым увертарат

Тыгай премий-влак  
пуалтыт:

■ «Ямде лий» газетын  
икымше редакторжо Зинаида Яковлева  
лўмеш – журналистикыште чолган возен  
шогышо юнкорлан;

■ 1930-шо ийлесе самырык поэт Антонов  
Ивук лўмеш – почеламутым эн сайын  
возышо авторлан;

■ 1970-1980-ше ийлесе юнкор-влакын эн  
кугу йолташышт да сылнымут тунукты-  
шышт Валентин Исенеков лўмеш – школ-  
ласе юнкор, литературно-творческий да  
сылнымут кружоклан;

■ «Ямде лийын» 1969-1986 ийлесе тўн  
редакторжо Алеко Юзыкайн лўмеш –  
Марий Эл деч öрдыжтö марий-влакын тўш-  
кан илыме кундемласе (Одо, Пошкырт,  
Татарстан, Виче (Киров), Свердловск,  
Угарман, Пермь) ойыртемалтше  
юнкор, литературно-творческий да

сылнымут кружоклан але авторлан (йочалан);  
■ «Ямде лийын» 1991-1997 ийлесе тўн  
редакторжо Василий Васильевич  
Крыловым шарнен, Шулдыр Васлий лўмеш  
премий – эн онгай мыскарам возышо  
юнкорлан.

Ик юнкор тўрлө номинацийыште  
мастарлыкшым терген кертеш.  
Конкурс 2018 ий декабрь  
мучаште иктешлалтеш.

Конкурсым иктешлат: тўн редактор-влак  
Л.В.СЕМЕНОВА («Ямде лий»), Э.А.ИМА-  
НАЕВ («Кугарня»), И.Г.ПОПОВ («Ончыко»  
журнал), «Ямде лийын» пашаенже-влак  
А.В.ЭМАНОВА ден Л.Н.ГРИГОРЬЕВА.

Конкурсын учредительже –  
«Яндар памаш» сылнымут фонд (вуйлатыше –  
писатель Василий Краснов).



# Мыланна - 85 ий

## Ўмыр мучко калыклан возен

МАССР-ын Кугыжаныш

калык поэме, премьерин лауреатше Миклай Казаковын

Миклай Казаков «Ямде лий» газет редакцияш икымше редактор Зинаида Емельяновна ЯКОВ-ЛЕВАН ўжмыж по-чеш пашаш толын. Тунам тудлан улы-жат 15 ий лийын.



Калык поэт Г.Сабанцев.

100 ияш лўмгече пайремже шочмо Кўчыкэнгер ялыштыже 26 январьыште эртыш. Усталыкшым йоча газетеш-Пайрем М.Казаков лўмеш те шуарен, 1933-1936 тоштерыште почылто. Уна-влак ийлаште тыршен. поэтын бюстшо воктеке пеледышым пыштышт. Вара вашлиймаш тўвыра пўртыштў шуйныш. Ойлышо-влак Николай Ивановичын мари́й сылнымутым вияндымаште, у тукумым шуарымаште кугу надыржым палемдышт.

Самырык тукум калык поэтым пагален шарна. Энерсола тўн школын тунемшыже-влак Миклай Казаковын илыш да творчестве корнымжым шергалыч. «Эх, Ивукшат!» ойлымаш гыч ужашлам модыч. «Казаков лудмаш» конкурсышто сеныше-влак поэтын сылнымутшым йонгалтарышт.



Дарина Муртазина ден Вика Тимофеева.

### Газет лўмеш

«Ямде лий» газет Шочын курымешлан, Йоча илышым шараш, Изинек койышым тўрлаш. Тўрлў вер гыч увер Возеш газет лаштыкыш. «Ямде лий» ўжеш Келшен илаш газет гочын... «Ямде лий» – рўдў вер Полмезе кугыжанышын. Вийым налытын туддеч Ойыртемалтшыже. Лие Гена Алексеев Тале писатель радамыште. Руслан Бушков – историк, Шанчызе аланыште. Кушко «Ямде лий» пелен Вениамин Захаров. Эше ятыр-ятыр лўм Лие ты радамыште. Шуктеныт тышке Кажнымжым Писатель-педагог Исенков да моло. Ила, илышым чоґаш полша «Ямде лий». Тек йоча-влак кушкыт Илышлан ямде лийын.

**П.А.АПАКАЕВ,**  
педагогике науко доктор.



«Мый ўмыр мучко возенам тыршен. кеч пырт калык поэтым»

«Мый ўмыр мучко возенам т кеч пырт калык поэтым»

М.СКОБЕЛЕВЫН фотожо-влак.

Кристина Сергеева, 1-ше №-ан Морко школ.



Иван Васильев, Арын школ.

Энерсола школын тунемшыже-влак.

Тек ий-влак эртат, ик тукум весым алмашта, но Миклай Казаковын сылнымутшым калык кўкшын акла.

**Л.ГРИГОРЬЕВА.**  
Морко район.

### Историйым шергалына

1987 ий 26 сентябрь. Возенат шогем. «Налза «Ямде лийым», – Тыландат ойлем. **Борис АНДРЕЕВ.** Шеркур, Курпан.



## Улат юзо, портышкем!



Туныктышо Надежда Дмитриевна Ильинан вуйлатымыж почеш тений ўдыр-влак: Лилия Гордеева, Оля Колесникова, Снежанна Быкова, Полина Артемьева, Алина Николаева, Ксюша Чепаква – кўнчылавондо дене межым шўдыраш тўналыныт.

Йўла дене кылдалтше тыгай пайрем-влак у тукумлан калыкын кидпаша мастарлыкшым, йўла ойыртэмжым пален кушкашыже полшат. Тек ончыкыжым илышыштышт кугу энгертыш лийыт.

Авторын фотожо-влак.

Л. СЕМЕНОВА.

27 январьыште Волжский районьысо Карай ялыште нылымше гана «Портышкем пайрем» эртен.



– Портышкемым тумышташ куштылгыжак огыл! – ойлат Данил Гаврилов, Валентин Блохин да Иван Петров. Тиде сомыллан нуным О.В.Изергин туныкта. – Порсынь шўртым битум дене йыгалтет, вўрж дене рожым шўтет да тумышым шындет! – ойлат рвезе-влак.



«Ямде лий» газетын паша эн же-влак! Саламлена газетын 85 ияш лўмгечыж дене. Тыланена пашаштыда у деч у лектышым, сенымашым, усталык шўлышым. Пиалан, таза лийза.

Эсмекплек кыдалаш школыштына военно-патриотический паша шотышто тылзе эрта. Шукерте огыл 1-11-ше класслаште тунемше-влаклан военно-патриотический муру фестиваль лие. Ме, 7-ше классыште тунемше ўдыр-влак (снимкыште), «Приказ марте шўдў кече» мурым мурышна. Школ пеленысе йочасадын воспитанникше-влакат ўрдыжеш ышт код. Кок группысо рвезе-ўдыр-влак мастарын куштен ончыктышт. Мероприятий мучаште сценышке ача-влакым ўжыч. Нуно армийыште служитлымышт нерген қаласкалышт, тиде кўлешан порыс улмо нерген ойлышт. Фестиваль кужу жаплан шарнымашеш кодаш.

Звенигово район.

Анна РОМАНОВА.

7 февраль – Россияште телымсе спортын кечыже

## Спорт тазалык!



2015 ийыште икымше гана палемдалтын. Мый телым школыш ече дене коштам. Тыгак футбол, теннис дене модаш йўратем. Тўрлў тағасымаште сенгыше радамыш лектам. Йоча-влак, спорт дене кылым кучыза! Спорт – тиде тазалык!

Илья НИКОЛАЕВ,  
6-шо класс.  
Морко, Эгерсола.


Историйым шергалына

1976 ий 22 май.

Азьял кундем чодыралан нужнарак, сандене ме тудым кертме семын тўзаташ тыршена. Ик кечын урок деч вара коремла воктене тўрлў пушеҥгым шындышна. Тиде пашаште изирак класс-влак тыршышт. Кугурак класслаште тунемше-влак чодыраште пашам ыштышт.



Олег СЕРГЕЕВ.  
Морко район.



# Мыланна - 85 ий

«Палыза, кө мый улам!»

Конкурсш

Нине  
к о к  
фотошто  
Дарина  
д е н  
Ярослав  
Ивановмыт улыт.  
Нуно Марий Турек  
район Памашъ-  
ялыште илат. Кок-  
тынат Арбор йоча-  
садыш коштыт.  
Авашт нунылан У  
ий костюмым шкеак  
ямдылен.



Тиде фотошто Настя  
ден Карина Исаевамыт  
Татарстан кундем Балтаси  
район Улисыял гыч улыт.


## Келша мылам

Ончылнем - йоча газет  
Суретан, чевер чиян.  
Кунам шке лудат, возет.  
Вуй ушет лиш вяян.  
Тушто шуко ойлымаш,  
Луд гына, лият ушан.  
Шочеш поро шонымаш,  
Лият ныжыл койышан.  
«Ямде лий» келша мылам.  
Кроссворд, ребус - чылажат.  
Ушым пуа кажнылан  
Мыскаражат, туштыжат.  
У уверым палынет,  
Нал газетым, луд чыла.  
Лиеш газет ончылнет.  
Раш да чын ойлет марла.

Н.ИЛЬИНА.

Волжский, Карай.

1. Газетын редакторжо. 2. Тун редактор-влак. 3. Газет редактор-влак. 4. Газет редактор-влак. 5. Газет редактор-влак. 6. Газет редактор-влак. 7. Газет редактор-влак.



**Тушто**  
❄ Тыш тыртыш,  
туш тыртыш -  
вожын поч.  
❄ Парня вуй  
гай веле - семым  
луктеш.

Кристина  
КУРОЧКИНА.  
Кужэгер,  
Йүледүр.

## Кроссворд



пүмжө.  
7. Журналист да писатель, я тыр жап «Ямде лий» газетын тун редакторжо лийын. Вашмутым «Шергакан «Ямде лий» йолташна» книгаште ончалын кертыда.  
М.ТИМОФЕЕВА,  
библиотекарь.  
Морко, Осипсола.

## Историйым шергалына

2010 ий 21 август.

Пеледышыште улио цифр-  
влакым радам дене  
шындеда гын,  
ковамын  
йоратыме  
газетшым  
пален  
налыда.

Снежана  
СОКОЛО-  
ВА ямды-  
лен.

у  
Торьял,  
Тошто  
Торьял.



Индекс: Марий Элыште,  
Пошкырт ден Татарстан  
кундемлаште - П4696.  
Тираж 1000 экз. Заказ 90.  
Формат - А-4-8.  
Директор-тун редактор  
Л.В.СЕМЕНОВА.

E-mail: yamde\_lii@mari-el.ru,  
yamde\_lii@mail.ru  
Сайтын адресше: yamde-lii.ru,  
Тел. 45-25-49(факс);  
45-22-82.

выктыме. Типографийын

УЧРЕДИТЕЛЬ-ВЛАК:  
Марий Эл Республикы-  
се культур, печать да  
калык-влакын пашашт шо-  
тышто министерстве, «Ям-  
де лий» газет» кугыжа-  
ныш унитарный казенный  
предприятий.

Газетым редакцийыште погымо да верстатлыме,  
«СТРИНГ» ИПФ ООО-што ямде оригинал-макет гыч са-  
адресше: 424006, Йошкар-Ола, Строитель урем, 95.

Газетым Массовый коммуникаций  
сферыште да культур наследийым ар-  
лымаште законодательством шуктен шо-  
гымым эскерыше Федеральный службн  
Приволжский федеральный округысо уп-  
равленийыштыже регистрироватлыме.  
Номер - ПИ №ФС 18-1999,  
2005 ий 10 февральыште  
пуымо.

0+

Соцсетьюсе адрес-влак:  
ok.ru/yamdelii  
vk.com/yamde\_lii

Авторын да редакцийын шо-  
нымашышт түрлө лийын кер-  
тыт. Серыш-влак мөнгеш огыт  
колталт.

Ак - кутырен келшыме  
почеш.

Редакцийын да издательын  
адресше: 424006, Йошкар-Ола,  
СССР Вооружённый Вийын 70-ше  
идалыкше урем, 20.